

111

873

28

2/2

VII. 2/2 1

15/12


MAGYAR FERENCES
KÖNYVTÁR



01000359

Pro Singulis usu
Sij Maria Duda
1764.

~~873~~
~~28~~



VADO MORI.

S I V E

VIA OMNIS CARNIS,
MORTE DUCE, MORTA-
~~LIBUS~~

IN PROCESSIONE MORTUO-
RUM MONSTRATA

AB ANTONIO STEINHAVERO,

E T

Publicè iteratò exposita occasione

UNIVERSÆ THEOLOGIÆ

Ad Mentem

DOCTORIS SUBTILIS

Propugnata

In Conventu Posoniensi ad B. V. an-
nuntiatam Annò 1739. Mense Die

P E R

R. P. CHRISTINUM KOLLAR, Ord.

Min. S. P. FRANCISCI strict. Observ. Prov.

S. MARIE Hung. AA. LL. & Philoso-
phiæ Lectorem Candidatum.

P R Æ S I D E

R. P. CASPARO LINTNER, ejusdem Ord.

& Provinciæ SS. Theologiæ Lectore
ordinario.

SUB
GRATIOSISSIMIS AUSPICIIS
REVERENDISSIMI
DOMINI
MATHIÆ
MACK

Abbatis Sancti Nicolai de Er-
fchy, Protho - Notarii Apostolici,
Canonici, & Parochi Liberæ Regiæque Ci-
vitatatis Posoniensis Vigilantissimi, Be-
neficiati ad S. Andream Apostolum
Meritissimi.

Domini Mecoënatris No-
stri Colendissimi, faven-
tissimi.

CONCLUSIONES

Ex Univerſa

THEOLOGIA SCOTISTICA.

I. **T**heologia Viatorum non eſt propriè ſcientia. II. Nec ſubalternatur Theologiæ Dei, & beatorum. III. Exiſtentia Dei eſt de eſſentia ejus. IV. Aſſeſſitas non eſt prædicatum ultimò diſtinctivum Dei. V. Sed infinitas radicalis. VI. Præter realem in Divinis admittenda eſt diſtinctio formalis ex natura rei. VII. Sicut vera prioritas, & poſterioritas originis. VIII. Decretum antecedens non eſt Deo ratio cognoscendi e-ventus liberos à creata voluntate futuros. IX. Nec Scientia media. X. Sed Decretum concomitans. XI. Perfectior intellectus cum aequali lumine gloriæ perfectiorem poteſt elicere viſionem. XII. Quam non implicat eſſe præciſivam. XIII. In Hypotheſi Græcorum ſi Spiritus Sanctus non procederet à Filio, adhuc ab hoc realiter diſtingueretur. XIV. Angeli peccare potuerunt in primo creationis ſuæ inſtanti. XV. Potuit Angelus peccare appetendo æqualitatem cum DEO affectu ſimpli- cis complacentiæ. XVI. Moralitas accidit phyſicæ en- titati actûs humani. XVII. Actus externus addit in- terno novam bonitatem, vel malitiam. XVIII. Vo- luntas liberè operatur, dum actu operatur. XIX. Ra- tio formalis peccati conſiſtit in privativo. XX. Non repugnat pura omiſſio peccaminosa. XXI. Peccatum mortale eſt finita gravitatis. XXII. Cui conjunctum ve- niale non punitur pœnâ æternâ in inferno. XXIII. Ju- ſtificatione eſt effectus moralis gratiæ ſanctificantis. XXIV. Hæc eſt compoſſibilis abſolutè cum peccato mortali. XXV. Poſſet hoc remitti abſque infuſione illius. XXVI. Sine actu etiam peccatoris. XXVII. Sola fides non ſuf- ficit ad Juſtificationem de potentia ordinaria. XXVIII.

Actus contritionis, aut dilectionis DEI super omnia non habet defectò vim justificandi formaliter. XXIX. Merita mortificata reviviscunt in subsequenti Justificatione. XXX. Meremur augmentum gratiæ per actus etiam remissos. XXXI. Incarnatio verbi Divini fuit possibilis. XXXII. Convenientius erat filium, quàm Patrem, aut Spiritum Sanctum Incarnari. XXXIII. Et in ordine ad reparationem generis humani Christum assumere naturam humanam magis congruum erat, quàm Angelicam. XXXIV. Assumpsit naturam humanam eam propria existentia. XXXV. Non possunt plures Personæ eandem simul numerò naturam assumere. XXXVI. Tametsi non peccasset Adamus, adhuc venisset Christus. XXXVII. Qui meritò unionis Hypostaticæ non fuit impeceabilis proximè. XXXVIII. Fides est simpliciter certior quolibet assensu scientifico. XXXIX. Cum evidentia revelationis stat obscuritas sufficiens ad habendam fidem DEI. XL. Quem tenemur magis appreciativè diligere, quàm creaturas. XLI. Caritas est habitus realiter idem cum gratia habituali. XLII. Actus charitatis Patriæ specie differt ab actu charitatis viæ. XLIII. In statu legis naturæ fuit unum verum Sacramentum, Originalis deletivum. XLIV. Non potest pura creatura communicari potestas instituendi Sacramenta. XLV. Hæc causant gratiam moraliter solùm. XLVI. Eucharistia formaliter consistit in speciebus consecratis. XLVII. Ponitur Christus sub speciebus per transubstantiationem adductivam. XLVIII. Confessio nequit esse valida, & informis defectu doloris. XLIX. Satisfacienti in statu peccati remittitur aliquid de pœna temporali. L. Forma Sacramenti Pœnitentiæ salvatur in his verbis: Absolvo te.

REVERENDISSIME

DOMINE, DOMINE

MECOËNAS GRATIOSISSIME:

Vado mori liber est (quem porrigo) parvulus iste;

Hæc tamen est hominis MAXIMA vado mori.

Vado mori quemcunque tenet, qui semen Adami,

Debebit quivis dicere, vado mori.

Vado Mori dicet defendens, Lector, & Abbas, Dicet & oppugnans, nunc ego vado mori.

Vado mori, mortem, non est, qui vinceret, ullus,

Cogor ut oppugnans cedere, vado mori.

Vado mori, sed pace tuâ dignissime PRÆSUL,

Hoc ego defendens offero vado mori.

Vado mori, sed corde bonô MITRATE MECOËNAS

Hoc tibi nunc Lector dedico vado mori.

Vado mori, sic maectè animô MACK ibis ad astra,

Cum tua jam præeant munera vado mori.

Vado mori, satis est, tua me Clementia vicit, Jussit & hoc bonitas edere vado mori.

D. D. D.

STATUTUM EST HOMINIBUS
SEMEL MORI.

Heb. XI. 27.



EX hominem SEMEL æqua MORI san-
civit. Obibis

Mortalis ; sed , nè Bis moriari , cave !

Mors est ergo duplex ; mors corporis una
caduci ;

Altera mors animæ , quæ (a) finè fine
manet.

Meta mali prior est , & vitæ Janua ; mortis

Altera vestibulum , principiùmque mali.

Primam non poteris , poteris vitare secun-
dam.

Hanc potes , & non vis ; vis , aliàmque
nequis.

Felix , qui primam sperat , metuitque se-
cundam.

Vivere cum CHRISTO concupit (b) ille
suo.

PRÆ-

(a) *Sc. Anima.* (b) *Cupio dissolvi , & esse
cum Christo.* Phil. 1. 3.



PRÆFATIO

Ad Benevolum Lectorem,

Nè quis præcedentiam prætendat in Processione Mortuorum.

Mittitur in lucem Processio Mortis; in illa
Invenies varios, Lector amice, status.

Non tamen inceptum potui deducere carmen,

Esset ut in metris omnis in orbe status.

Scire quis hos omnes posset? Mors caeca scit
omnes;

Sed mihi præcipuos sit tetigisse satis.

Quos ego non memini, voveant, optentque
vicissim,

Ut mors illorum non meminisse velit.

Sed vos, quos Mortis Processio longa recenset,

Bellum pro primo nè sit honore, rogo.

Iraisci nolite mihi, si fortè præibunt,

Qui vos deberent hoc in honore sequi:

Et memores sitis, quiddam sit Processio Mortis;

Scitis enim, quo Mors ordine quemque rapit.

*Dux, Prætor, Cæsar, Cantor, Baro, Pictor,
Arator,
Rex, Doctor, Stultus, Caupo, Viator, Eques,
Navita, Chirurgus, Sartor, Venator, Epubus,
Sutor, Arithmeticus, Pistor, Agaso, Coquus,
Magni cum parvis, juvenes cum grandibus
ævo,*

Ordine confuso Mortis inimus iter.

*Cum rudibus doctus, dives cum paupere tendit,
Mor omnes homines judicat esse pares.*

*Non opus est ergo, cur præcedentia stricte
Servetur, siquidem nulla tenenda foret.*

*Insuper ad Mortem rari præcedere malunt,
Ultimus è contra quilibet esse cupit.*

*Hinc condonandum credo, veniamque requiro,
Quod non procedant ordine quique suo.*

*Mors est directrix; si non bonus ordo tenetur,
Debet Morti, non mihi culpa dari.*

AD LECTOREM, ET AUDI- TOREM.

De Doctrina Mortis.

Disce mori, quicumque legis mea carmina Lector!
Quisquis es, auditor! tu quoque discce mori.
Disce mori, quicumque cupis cælestia regna.

Si vis cum Christo vivere, discce mori.

Disce mori, si vis animam salvare perennem.

Hæc est in cunctis unica, discce mori.

Disce

Disce mori ; si morte mala moriêre , misellus
 Semper eris : quare flagito , disce mori.
 Disce mori ; si morte bona moriêre , beatus
 Semper eris : quare consulo , disce mori.
 Disce mori ; fugiunt cita tempora , labitur ætas.
 Dum breve tempus habes , incipe , disce mori.
 Disce mori ; nam , quando tuos Mors claudet
 ocellos,
 Tunc serum nimis est , hinc modò disce mori.
 Disce mori ; nullum piguit , nullumque pigebit
 Sancta morte mori discere , disce mori.
 Disce mori ; multos piguit , multosque pŕgebit
 Non voluisse mori discere , disce mori.
 Disce mori , cunctas ars hæc supereminet artes.
 Nil profunt omnes hac sine , disce mori.
 Disce mori ; satis est , unum si sciveris illud.
 Quamvis nescieris cætera , disce mori.
 Disce mori ; nihil est , unum nisi sciveris illud ,
 Quantumvis scieris cætera , disce mori.
 Disce mori ; nescis , quoadusque superstes haberis.
 Mors sua libravit spicula , disce mori.
 Disce mori ; versûs hæc est intentio nostri.
 Nulla mihi petitur gloria , disce mori.
 Disce mori mundo , devincere dæmona disce ,
 Disce voluptates spernere , disce mori.

Ad Momum Criticum.

Disce mori , nec carpe dicax pia carmina Mome !
 Carpere dediscas , Critice , disce mori.

DIALOGUS MORTIS ET POËTÆ

ARGUMENTUM DIALOGI.

Poëta Montem Parnassum scansurus ab obvia Morte in-
peditur, & sese moriturum intelligit.

Poëta.

ESte salutati colles & culmina Pindi! (c)
Vos ego non raro scando Poëta pede.

Mors.

Siste pedem! posthac Pindum te scandere nolo.
Vade viam mecum, quam nigra fata jubent.

Poëta.

Quæ tua te monstrum genuit tam rustica mater,
Quòd me propositam non finis ire viam?

Mors.

Mors ego sum, primi genuit me crimen Adami:
Imperio vivens subjacet omne meo.

Poëta.

Cede! nihil nobis atra cum morte Poëtis,
Aonii (d) vates utpote morte carent.

Mors.

Mortis in Aonios jus est æquale Poëtas,
Ut mea falx hominum demetit omne genus.

Poëta

(c) Parnassus & Pindus à Poëtis promiscuè sumitur, estque
mons Musis sacer, quem Poëta scandere se fingunt.

(d) Poëta, qui & vates dicuntur, ab Aonia regione Bœo-
vis, in qua est Parnassus, Aonii cognominantur.

Poëta.

Falx metat in pratis tribulos, & gramina sternat,
Flos (e) Pindi nulla falce metente cadat.

Mors.

Falx mea purpureum sternit cum gramine florem,
Flózne sit, an stramen, concidit omnis homo.

Poëta.

Concidat omnis homo, sed tu nos scito Poëtas
Esse homines inter quid mediúmque Deos.

Mors.

Contra vim Mortis, contra mea spicula, nullum
In Mundo medium, scito, Poëta dari.

Poëta.

Si sic, in faciem nobis mentitur Apollo, (f)
Cujus ab eloquio morte Poëta caret.

Mors.

Morte carent virtus & gloria, famáque vatum.
Vatibus hoc tantùm spondet Apollo suis.

Poëta.

Quid mihi, si morior, virtus & gloria prodest?
Quídve potest manes (g) fama levare meos?

Mors.

Una facit virtus, ut sis post funera vivus.
Virtuti studeas, atque beatus eris.

Poëta.

Unde beatus ero, si me Mors barbara tolles?
Quem tua falx sternit, flózne beatus erit?

(e) *Intellige Poëtam.* (f) *Deus Poëtarum.* (g) *Manes dicuntur animæ Defunctorum.*

Mors.

Janua sum vitæ: Si non es morte peremptus,
Regnans cum Christo non potes esse tuo.

Poëta.

Dic mihi, quî potero cum Christo regna tenere?
Discendique modum da mihi, dáque moram.

Mors.

Disce mori vivendo piè, moriendóque vives,
Quando cum Christo Rex sine fine reges.

Poëta.

Ergo, ut cum Christo tandem post funera regnem,
Emoriar; vitam mors dabit ipsa novam.

Jámque mihi musæ (b) supremum dicite carmen,
Hoc argumentum sit breve: *Vado mori.*

Vado mori, suntò versùs exordia mœsti.

Sit versùs eadem clausula: *Vado mori*:

Vado mori: nostræ cùm sint exordia vitæ,

Hæcque sit ejusdem clausula: *Vado mori.*

PROCESSIO MORTUORUM.

Mors.

SUM via cõmunis, per quam caro præterit omnis.
Me duce nunc in eas hoc iter omnis homo.

Homo.

Vado mori mortalis homo (i) concretus in alvo;
Dúmque brevi vixi tempore, vado mori.

Mors.

(b) *Dea Artium, quarum sunt numerus novem, quæ cum Apolline in Parnasso resident, & à Poëtis ad inspiranda carmina invocantur.* (i) *Homo natus de muliere brevi vivens tempore, Job, XIV. 1.*

Mors.

Præ Laicis Clero primi debentur honores ,
Præ Laicis ergo splendide Clere veni !

HIERARCHIA ECCLESIA- STICA.

Papa.

Vado mori, tibi Roma novum nunc elige *Papam!*
Mors jussit *claves* reddere , vado mori.

Cardinalis.

Vado mori magnus, decorat quem *purpura*, Præsul.
Jam mea *pallescit purpura* , vado mori.

Patriarcha.

Vado mori, *Patriarcha* viam patefecit *Adanus*.
Hanc ego cum priscis ambulo , vado mori.

Archi-Episcopus.

Vado mori mitrâ sacer *Archi-Episcopus* altâ.
Mors calcat *mitra* cornua , vado mori.

Nuncius Apostolicus.

Vado mori *Sedis Romana* Nuncius , illud
Pontifici Romam *nuncio* : vado mori.

Episcopus.

Vado mori, nobis succedat *Episcopus* alter.
Pontificale *pedum* defero , vado mori.

Suffraganeus.

Vado mori, nemo mihi *suffragabitur?* ergo
nec *suffragari* plus volo , vado mori.

Præpositus.

Vado mori, vellem nunc unicuique libenter
Præpositi munus cedere, vado mori.

Decanus.

Vado mori Cleri præses, magnusque *Decanus*,
Elige nunc alium Clerice ! vado mori.

Archi-Presbyter.

Vado mori, morti non est discretio Cleri.
Excepto morimur nemine, vado mori.

Fiscalis.

Vado mori, multam *Fiscali* funera dicunt,
Pro multa vitam porcigo, vado mori.

Camerarius.

Vado mori, nolo *Camerarius* esse, resigno.
Mors est in *Cameris* abdita, vado mori.

Definitor.

Vado mori, vixi, *Definitor*que peregi
Definita mihi tempora, vado mori.

Custos.

Vado mori *Custos*, non est custodia vitæ.
Mors nos oppugnas undique, vado mori.

Canonicus.

Vado mori, *Canones* Mors imperterrita spernit,
Corpora prosternit Clerica, vado mori.

Præbendarius.

Vado mori, *Præbenda* vale præbenda sequenti,
Prædam me morti præbeo, vado mori.

Concionator Aulicus.

Vado mori, longos sermones Aulicus odit.
Hæc ergo *brevis* est concio : vado mori.

Capellanus Aulicus.

Vado mori, jubeor *currentem* dicere *Missam*,
ITE domum, MISSA EST integra, vado mori.

Parochus.

Vado mori *Pastor*, me grex meus usque sequatur.
Ad cæli tendo *pascua*, vado mori.

Sacellanus.

Vado mori, volui fieri cum tempore *pastor*.
Fata vetant, & Mors invida; vado mori.

Presbyter.

Vado mori, sacram non sum securus *ad aram*.
Mors *aram violas impia*! vado mori.

Diaconus.

Vado mori, salve Mors optatissima! lætor,
Cum mihi *lata feras (k) nuncia*; vado mori.

Sub-Diaconus.

Vado mori, *Fratres!* hortatur *Epistola prima: (l)*
Hora est de somno surgere, vado mori.

Catechista.

Vado mori, summus *Catechismi terminus* instat,
Mors, Judex, Orcus, Gloria, vado mori.

HIERARCHIA RELIGIOSA.

Mors.

Quidquid se claustris, quidquid se condidit antris,
Exeat, *exemptus non datur Ordo* mihi.

Generalis Ordinis.

Vado mori, *lex est generalis*, & hæc *Generales*
Obligat in quovis Ordine, vado mori.

Abbas.

(k) Id est *Evangelium*, cujus recitatio *Diaconorum* & recitatio *Epistole Subdiaconorum* est.

(l) *Dominica prima Adventus ad Rom. XIII. II.*

Abbas.

Vado mori vester, Monachi, Venerabilis *Abbas.*
Quis modò vult mecum vadere? vado mori.

Visitator Ordinis.

Vado mori, vivos metuit mors *visere* Fratres.
Debeo *defunctos visere*, vado mori.

Provincialis.

Vado mori, nova monstratur *Provincia* nobis.
Ex hac nunc in eam transmigro, vado mori.

Socius Provincialis.

Vado mori, solus meus ito *Præses*! oportet
Me *Socium* morti jungere, vado mori.

Exprovincialis.

Vado mori, titulò nimium compellor ineptò.
Nominer ut vero (*m*) nomine, vado mori.

Prior.

Vado mori, *Patri* loquitur *Libitina* (*n*) *Priori.*
Ite chorum, Monachi, me sine, vado mori.

Rector.

Vado mori *Rector*, valeant *collegia* nostra.
Mors *Collega* meus fit modò, vado mori.

Guardianus.

Vado mori, totum Mors vastat & occupat orbem.
Nulli *salva* datur *guardia*, vado mori.

Superior.

Vado mori, primus num quis sit an infimus,
unum est.

Mors miscet summis infima, vado mori.

Sub-

(*m*) *Exprovincialis* sumitur hic quasi extra *Provinciam*.

(*n*) *Libitina* *Dea* *funerum*.

Sub - Prior.

Vado mori, Patrem primus sequor ipse *Priorem*.
Ultimus & primus non eo, vado mori.

Minister.

Vado mori, vestrum vetuit mors esse *Ministrum*.
Jamque *ministerium* finio, vado mori.

Vicarius.

Vado mori, nemo meus esse *Vicarius* optat.
Ipsa meo fungor munere, vado mori.

Senior.

Vado mori *Senior*, *senium* jam gratia rara est.
Vix videas unum *Nestora*, (o) vado mori.

Concionator.

Vado mori, dixi toties de morte futura.
Illud adhuc *moriens* *prædico*, vado mori.

Professor Theologia.

Vado mori, requiem num sim visurus, an ignem.
Hæc est *subtilis* *quæstio*, vado mori.

Lector Theologia.

Vado mori, multum sum de *Deitate* locutus:
Nunc beet ipsa *Dei* *visio*, vado mori.

Professor Philosophia.

Vado mori, *vacuum* Mors velle probare videtur,
Omnia dum tollit corpora; vado mori.

Lector Philosophia.

Vado mori, toto Mors semper in orbe vagatur.
Mors est *continuum* *mobile*, vado mori.

Biblio-

(o) *Nestor*, quem alii 90, alii 300, annos *vixisse* volunt.

Bibliothecarius.

Vado mori, libro mihi mors reperitur in omni.
Gens mecum (p) loquitur mortua; vado mori.

Magister Novitiorum.

Vado mori, juvenes docui vos plurima Fratres!
Illud adhuc unum discite, vado mori.

Confessionarius.

Vado mori, lævam mihi mors dicebat in aurem:
Non potes absolvi, vadito! vado mori.

Cellarius.

Vado mori Bacchi supremus in arte minister,
Bacche vale, serua dolia! vado mori.

Archimagyrus.

Vado mori, rex ante focum dominusque culinæ.
Finita est regni gloria, vado mori.

Procurator.

Vado mori, Fratres! vester Curator habebat.
Nunc alii curam tradite, vado mori.

Dispensator.

Vado mori, vitam rector dispensat Olympi.
Parva cuique datur portio, vado mori.

Bursarius.

Vado mori, bursam cum nummis seruo tumentem.
Illam nunc alter sumito, vado mori.

Granarius.

Vado mori, Superi! quot sunt tibi spicula mortis?
Non tot sunt Cereri (q) granula, vado mori.

Sacri-

(p) Alluditur ad illud tritum Bibliothecariorum: LOQUOR
CUM MORTUIS. (q) Ceres Dea frugum.

Sacrista.

Vado mori rerum custos *Sacrista* sacrarum.
Nulla datur morti res sacra, vado mori.

Lector Mensæ.

Vado mori, prandete mei bibitotéque fratres.
Interea vobis prælego : vado mori.

Monachus.

Vado mori *Monachus*, valeat Prior asper & Abbas,
Solvendus claustrum carcere, vado mori.

Ostiarus.

Vado mori, quidam *pulsavit ad ostia* claustrum.
Quis sit, id ex strepitu colligo, vado mori.

Frater Clericus.

Vado mori, magnus fiam super astra *Sacerdos*.
Primitias illuc defero, vado mori.

Frater Laicus.

Vado mori ; Laicus Fratrum postremus habetur.
Mors omnes æquat pallida, vado mori.

Novitius.

Vado mori, claustrum petii, mundo valedixi.
Mundum cum claustrum defero, vado mori.

Eremita.

Vado mori, cæco me mors invenit in antro.
In lucem raptus prodeo, vado mori.

STATUS AULICUS.

Mors.

VOs quoque, qui populos regitis, vestrosque
clientes,
Estis de servis mancipiisque meis.

Cæsar.

Cæsar.

Vado mori *Cæsar* supremus in orbe Monarcha.
Sed Mors est major *Cæsare*, vado mori.

Rex.

Vado mori, non sum *Rex* illa lege solutus,
Rex magnus vili cum grege vado mori.

Electoꝛ.

Vado mori, dulcis non est *electio* vitæ
Me penes ; omnis abest optio, vado mori.

Dux.

Vado mori de stirpe Ducum *Dux* ipse creatus.
Quò mors me *ducat*, nescio, vado mori.

Princeps.

Vado mori *Princeps*, à primo denique vitæ
Principio potui dicere : vado mori.

Comes.

Vado mori *Comitum* sanguis, *comes* ibóque mortis.
Mors est *incomis* bestia, vado mori.

Baro.

Vado mori claro liber *Baro* stemmate natus.
Stemmata mors nescit libera, vado mori:

Eques.

Vado mori generosus *Eques*, temeraria gaudet
Mors *equites* ab *equis* sternere, vado mori.

Comes Palatinus.

Vado mori, *Diploma* meum Mors stivola cassat,
Quamvis à summo sit Jove, vado mori.

Nobilis.

Vado mori, fallax est *nobilitatis* imago,
Virtus nobilitas unica, vado mori.

MINISTERIUM.

Mors.

Ejicio Magnos, invito rege, ministros.
Omnis ad imperium se movet aula meum.

Vice-Rex.

Vado mori *Vice-Rex*, non est mihi tanta potestas,
Ut mortem valeam pellere, vado mori.

Primus Minister.

Vado mori, *primum* Mors effrænata *Ministrum*
Abdicat, invito Principe, Vado mori.

Plenipotentarius.

Vado mori, quid jam mihi *plena potentia* prodest?
Mors in nulla coit *ædera*, vado mori.

Legatus.

Vado mori, Mortem Deus omnem *legat* in orbem.
Nunciat hæc cunctis, quæ mihi, vado mori.

Cancellarius.

Vado mori, Fatum *Cancellos* intrat apertos,
Quando clausa videt limina, vado mori.

Aulæ Præfectus.

Vado mori, Mors sceptrum tenet, Mors regnat in
Aula.

Stare sub hoc nequeo præside, vado mori.

Consiliarius Intimus.

Vado mori, Morti quis *Consiliarius* audet
Mandanti contra dicere? vado mori.

Ceremoniarius.

Vado mori, toto frustra me corpore curvo.
Debeo me sub humum mergere, vado mori.

Camerarius.

Vado mori, *cameram* mihi Mors assignat *opacam*.
Feralem *tumbam* pandite! vado mori.

Nobilis Aulicus.

Vado mori, Mors & Livor regnatis in *aulis*,
Aulica vita vale, pompâque! vado mori.

Thesaurarius.

Vado mori, nequeo miser intractabile Lethum,
Nec *prece*, nec *pretiô* flectere! vado mori.

Dapifer.

Vado mori *dapifer*, Mors virus miscuit *escis*,
Dum *prælibavi* paucula, vado mori.

Pincerna.

Vado mori, nullam dant pocula *pota* salutem:
Pocula fecerunt, quòd modò vado mori.

Ephabus.

Vado mori, Mortem reginam testor, *ephabum*
Me cupit, aula vale *pristina*! vado mori.

Morio.

Vado mori *stultus*: si mors non esset, in orbe
Stultis plena forent omnia, vado mori.

MUSICI.

Mors.

MUfice plaude manu, pede plaudito, voce,
chelîque.

Sic omnis tetricæ Mortis amator abit.

Capelle Magister.

Vado mori, ludat jam Musica *mœsta* PIANO.
ALLEGRO tædet ludere, vado mori.

VOCALISTÆ.

Discantista.

Vado mori, poteram modulando saxa movere,
Mors immota manet durâque, vado mori.

Altista.

Vado mori; vox, spes, & amor festinat in *altum*.
Ad cæli propero gaudia, vado mori.

Tenorista.

Vado mori, cecini modulamina dulcia quondam;
Hæc est finalis nœnia: vado mori.

Bassista.

Vado mori, querulos imitor moribundus olores.
Fata cano rauco gutture, vado mori.

INSRUMENTALISTÆ.

Organista.

Vado mori, folles exspiravêre gementes.
Nunc mea mutescunt organa, vado mori.

Tiorbista.

Vado mori, si Mors non esses furda, movere
Te mea deberet musica, vado mori.

Cymbalista.

Vado mori, pecudes resonantia *cymbala* mulcent.
Mortem non mulcent *cymbala*, vado mori.

Violinista.

Vado mori, ruptâ non possum ludere *chordâ*,
Corde nec abrupto vivere, vado mori.

Gambista.

Vado mori, *chordâ* Mors semper oberrat eâdem.
Est auditori nausea, vado mori.

Violoncellista.

Vado mori, resona mea *pandurella* trophæa.
Augebo cæli cantica, vado mori.

Violonista.

Vado mori, perrumpe tuum *pandura tri-um-phum*.
Ludens illudens *tar-ta-ra!* vado mori.

Cornicen.

Vado mori, plenis inflavi *cornua* buccis.
Nunc mea suspendo *cornua*, vado mori.

Buccinator.

Vado mori, binas cava *buccina* clangit in aures,
Ut sistar coram iudice, vado mori.

Fagotista.

Vado mori, vultu contuevi flare rubenti.
Nunc efflans animam palleo, vado mori.

Hauboista.

Vado mori, careo spiramine, nescio flare,
Mors mea constrinxit guttura, vado mori.

Tubicen.

Vado mori; stertam, donec clangore *tubarum*
Exciter è tumuli fornice, vado mori.

Tympanista.

Vado mori, resonum date tympana pulsa tumultū.
Sic ego cum sonitu transeo, vado mori.

STATUS JUDICIALIS.

Mors.

PARS condemnatur; quamvis audita negetur,
Est in iudiciis lex tamen æqua meis.

Judex.

Vado mori *Judex*, hæc est *sententia* mortis,
Quam Deus ipse tulit, non homo, vado mori.

Assessor.

Vado mori *Assessor*, jussit me surgere Lethum.
Interdicta mihi *sessio*, vado mori.

Protocolista.

Vado mori, scripsi toties ego fontibus: ACTUM
Est *actum* mecum denique, vado mori.

Advocatus.

Vado mori, potui multorum vincere causas,
In causa propria concido, vado mori.

Notarius.

Vado mori, frustra fit *protestatio* contra.
Nil valet hæc juris formula, vado mori.

Actor.

Vado mori, nulli contra datur *actio* Mortem.
Non habet illa *forum* juraque, vado mori.

Testis.

Vado mori, Christus *Judex*, & Tartarus *actor*,
Mens rea *testis* erit conscia, vado mori.

Reus.

Vado mori, causâ cecidi, condemnor in omnes
Expensas, solvo cum cute, vado mori.

ACADEMIA.

Mors.

Quisquis Apollineo nomen concredidit Albo,
Prodeat! ad festum funebre quemque cito

Pedellus.

Vado mori, me mox *Academia* tota sequetur,
Cum *Sceptro* mortis præmigro, vado mori.

Rector Magnificus.

Vado mori, jam morte *citor* veniente *Pedello*
Magnificus Rector, pareo, vado mori.

FACULTAS THEOLOGICA.

Mors.

Res est, Theologi (*r*) nimis ardua TRINUS &
UNUS,

Mors est materies viribus æqua magis.

Doctor SS. Theologiae.

Vado mori; docui, quid trinum Numen & unum
Nunc me *trine Deus* suscipe! vado mori.

Interpres Sacrae Scripturae.

Vado mori, Mortem genuistis Adamus & Eva.
Hoc est in causa, cur ego vado mori.

Controversista.

Vado mori, cœpit nunc *controversia* finem,
Mors mea decidit jurgia, vado mori.

Casuisa.

Vado mori, posuit mors adversaria *casum*,
Quem verè nequeo *solvere*, vado mori.

Moralista.

Vado mori, titulò quò *Moralista* vocabor?
Morti nec *mores*, nec *mora*, vado mori.

Canonista.

Vado mori, mors est homini *decreta* cuivis.
Has *decretales* explico, vado mori.

Do.

(*r*) *Theologus* habet primam origine brevem, sed *Ozvenus*
& alii necessitate metri producunt.

Doct̃or Bullatus.

Vado mori; nihil est, nisi *bullula*, scientia nostra,
Et quid vita? brevis bullula, vado mori.

Licentiatus Theologiae.

Vado mori, non est rata nostra *Licentia* morti,
Non finit huncce gradum sumere, vado mori!

Theologus Speculativus.

Vado mori, *flammis an materialibus Orcus*
Ardeat, experiar denique, vado mori.

Theologiae Candidatus.

Vado mori; dum mente Deum super astra videbo,
Magnus *Theologus* tunc ero, vado mori.

FACULTAS JURIDICA.

Mors.

Cultores Themidis, (*s*) *Legumque venite periti!*
Quæ via sit *Juris*, vos docuisse volo.

Juris utriusque Doct̃or.

Vado mori sanctum Jus est, *injuria nulli*
Hic sit, & hic *nulli gratia*, vado mori.

Professor Juris Publici.

Vado mori, terras dat *publica jura* per omnes
Mors legumatrix maxima, vado mori.

Professor Feudorum.

Vado mori, *feudum* vita est humana, reposcit
Hoc Dominus fixo tempore, vado mori.

Professor Novellarum.

Vado mori, Mortis non sunt in jure *novella*.
Stat, stetit, & stabit lex ea: vado mori.

Professor Codicis.

Vado mori, *codex reteget mea crimina major
Justiniano codice, vado mori.*

Professor Digestorum.

Vado mori, *quævis Mors digerit ordine nullo.
Cum Doctore venit morio, vado mori.*

Professor Institutionum.

Vado mori, *gentes Mors jus exercet in omnes,
Omnis obedit ei natio, vado mori.*

Licentiatus Juris.

Vado mori, *mors atque Themis sunt, credo, sorores.
Nullum respiciunt utraque, vado mori.*

Jurista Practicus.

Vado mori, *nunc Ivo (t) tuam demittito scalam,
Ut cælum possim scandere, vado mori.*

Candidatus Juris.

Vado mori *Jurista, suum mors æqua cuique
Reddit, & hæc legum sanctio, vado mori.*

FACULTAS MEDICA.

Mors.

Eripuisse mihi Medicus se jactitat ægros.
Nunc te Phæbe (u) tua, si potes, arte juva.

Doctõr Medicinæ.

Vado mori *Medicus, medica mors prævalet arte.
Morbo non cohibent vincula, vado mori.*

Profes-

(t) S. Ivo Jurista & Advocatus, de quo jocosè dicitur, quòd scalam in Cælum attraxerit, nè Jurista possint ascendere.

(u) Phæbus vel Apollo Deus Medicorum, sumitur à Poëtis pro perito Medico.

Professor Anatomia.

Vado mori, fiam verissima mortis imago.

Instat *membrorum sectio*, vado mori,

Professor Chimia.

Vado mori, Mors me vult ingeniosa docere

Materiam primam quærere, vado mori.

Professor Botanica.

Vado mori, contra Mortem nec *gramen* in horto,

Nec *panacea* solet crescere, vado mori.

Licentiatus Medicina.

Vado mori, *licitum Medicis* occidere dicunt.

Hoc in morte vacat scommate, vado mori.

Medicinae Candidatus.

Vado mori, non est hominis *sanabile corpus*,

Cùm Mors enervat *pharmaca*, vado mori.

FACULTAS PHILOSOPHICA.

Mors.

MORS NULLI PARCIT : Vos lumina clara Sophorum

Hanc oppugnetis, Præsides Morte, thesim.

Philosophiæ Decanus.

Vado mori, siquidem Mors est *non esse*, Decanus

Qui fueram, posthac non ero, vado mori.

Promotor.

Vado mori, Mors arte rudes artisque peritos

Promovet invita Pallade, (x) vado mori.

Promotus.

Vado mori, cassos habuit *promotio* sumptus.
Scandere Mors prohibet pulpita, vado mori.

Præses Disputationis.

Vado mori, sub me fervebant Præside pugnae.
Nunc cum Morte theses ventilo, vado mori.

Defendens.

Vado mori, Morti *concedere* debeo *totum*.
Frustrà *distinguo*, vel *nego*, vado mori.

Opponens.

Vado mori, quid me Fatis *opponere* conor?
Cum surdis frustra *dijputo*, vado mori.

Doctor Philosophiæ.

Vado mori, Princeps ubi nunc *Doctorque Sophia*,
Magnus Aristoteles, vel Plato? vado mori.

Magister septem Artium.

Vado mori, *septem* quid discere profuit *artes*?
Nulla docet longum vivere, vado mori.

Professor Metaphysicæ.

Vado mori, summum ENS, cujuslibet *entis* origo
Tu *miserere* mei, cum modò vado mori.

Professor Physicæ.

Vado mori, *corpus* quis *naturale* vetabit
Objectum mortis ponere? vado mori.

Professor Physicæ Experimentalis.

Vado mori, *Physicam* potero post fata *suprema*
Experimentalem tradere, vado mori.

Professor Logicæ.

Vado mori, *Syllogismum* (y) Mors fecit, in illo
Invenio *medium* nullibi, vado mori.

Philosophiæ Magister.

Vado mori, *Sophiæ* (qualis sum) verus *amator*
Non curat mundi ludicra, vado mori.

Philosophiæ Baccalaureus.

Vado mori, titulos dat *Philosophia* caducos,
Bacca perit, flaccet *laurea*, vado mori.

Philosophiæ Repetitor.

Vado mori, Mors est *vitiosus circulus*, illum
Nulla cavere docet *regula*, vado mori.

Metaphysicus.

Vado mori, nihil est reverà *mortis imago!*
Me tamen *ipsa* potest angere, vado mori.

Physicus.

Vado mori *Physicus*; quid fit *natura* docebor
Solvens naturæ debita, vado mori.

Etbicus.

Vado mori, valeas *Etbice!* tua *regula* nulla est,
Mors non vult *mores* discere, vado mori.

Logicus.

Vado mori, *Logicus*; non est tam forte *dilemma*,
Quod *Mortem* possit *stringere*, vado mori.

Sophista.

Vado mori; nullum scio tam *subtile sophisma*,
Quod *Mortem* possit *fallere*, vado mori.

Dia-

(y) *Syllogismus* habet secundam origine brevem, sed teste
P. Aler, ob necessitatem tuto producitur, vide gradum
ad Parnassum.

Dialecticus.

Vado mori, Mors est fatalis *terminus*, illum
Copula nulla potest *nectere*, vado mori.

MATHESIS.

Mors.

Naturam superas, aut æquas docta Mathesis,
Sed me non æquas, nec superare potes.

Professor Mathesis.

Vado mori, vitámque Deum, volucrúmque volatus,
Hæc duo posteritas erue, vado mori.

Astrologus.

Vado mori cæli speculator, totus in *astris*.
Ut propiùs spectem sidera, vado mori.

Geographus.

Vado mori, regio nulla est *incognita* Morti,
Omnia mors lustrat *climata*, vado mori.

Geometra.

Vado mori, toto non est locus ullus in orbe,
In quo me possim condere, vado mori.

Gnomonicus.

Vado mori, *moritur Titan* (y) *oriturque*; perennem,
Dum morior, noctem dormio, vado mori.

Arithmeticus.

Vado mori, *numerus non est numerabilis* ille,
Quot mors occidat corpora, vado mori.

HUMA-

HUMANIORA.

Mors.

Vos quibus inferior gradus est in Palladis aula,
Cum Ducibus vestris Mortis adite scholam.

Professor Eloquentiæ.

Vado mori, Mors surda manet; si Tullius (2) essem,
Irrita nostra foret *dictio*, vado mori.

Orator.

Vado mori, quando finitur *dictio*, DIXI,
Dicere nunc, VIXI, debeo, vado mori.

Poëta Laureatus.

Vado mori, vestrum Musæ lugete Poëtam!
Hæu mihi! mors non est *fabula*, vado mori.

Professor Rhetoricæ.

Vado mori, valeântque *topi*, valeântque *figura*!
Nil juvat ornate dicere, vado mori.

Professor Poësis.

Vado mori, *finem* quæras in carmine tyro!
In *vita finem* respice, vado mori.

Magister Syntaxis.

Vado mori, *quoddam capit excipe regula quævis*,
Excipitur mortis regula, vado mori.

Magister Grammaticæ.

Vado mori, nullum beat emendata loquela,
Ast emendate vivere, vado mori.

Magister Rudimentorum.

Vado mori, mors præterito, præsentem, futuro,
In quovis regnat tempore, vado mori.

Magi-

(2) Nomen Ciceronis.

Magister Principiorum.

Vado mori, tantum *sex casus* esse docebam,
Mors reperit centum millia, vado mori.

Rhetor.

Vado mori, nulla Mors *persuadetur* ab arte,
Ut velit oranti parcere, vado mori.

Poëta.

Vado mori, *longam* volui *producere vitam*,
Mors *breviauit* eam, cum modò vado mori.

Syntaxista.

Vado mori, volui *conscendere* culmina Pindi,
Facta mihi mors est obvia, vado mori.

Grammaticus.

Vado mori, Mors est *indeclinabilis* omni
Grammatico, valeant *grammata*! vado mori.

Rudimentista.

Vado mori, Mortem (*sexum* quia *claudit utrumque*)
Communis generis censeo, vado mori.

Principista.

Vado mori, *Casus Mors Ablativus* habetur;
Mortales aufert undique, vado mori.

Purgator.

Vado mori, *pravis purgat* Mors civibus urbes,
Et malè *morigeris Gymnada*, vado mori.

Pulsator.

Vado mori, *finis pulsatur*, abite Scholares!
Classis habet finem vitæque, vado mori.

Præceptor.

Vado mori, *Præceptor* eram, *præcepta* relinquo.
Hæc ediscatur lectio: vado mori.

Alphabetarius.

Vado mori, mors est *finalis littera*, totum
Nunc *Alphabetum* calleo, vado mori.

STATUS CIVILIS.

Mors.

O Cives! Cives! vestras Mors intrat in urbes,
Mors spoliat pagos, rustica turba, tuos.

Satrapa.

Vado mori, *Satrapas* iratos munera placant.
Munera non placant funera, vado mori.

Consul.

Vado mori *Consul*, quis jam mihi *consulet*, oro?
Consilium nullum rescio, vado mori.

Prætor.

Vado mori, frustra *Prætor* (a) pro plebe *perorat*.
Mors nulli parcit, nec mihi, vado mori.

Senator.

Vado mori, fueram distinctus plebe *Senator*,
Nunc cum communi turbine vado mori.

Civis.

Vado mori *Civis*, non sum securus in urbe.
Mors urbis scandit mœnia, vado mori.

Rusticus.

Vado mori, ruris renovator *rusticus*; ut mors
Me non rusticior sit, rogo? vado mori.

Vinitor.

Vado mori, *vites* sumunt per vulnera *vires*,
Post mea sic vivam funera, vado mori.

Vil-

(b) PRÆTOR per anagramma PERORAT.

Villicus.

Vado mori, teneor *rationem* reddere *villæ*.
Si non subsistam, væ mihi! vado mori.

STATUS OECONOMI- CUS.

Mors.

Oconomus parcit, comparsum prodigit hæres.
Sic solers aliis mella recondit apis.

Oconomus.

Vado mori, quid me iuvat *Oeconomia* fidelis?
Cui quæso, parsi? non mihi; vado mori.

Mercator.

Vado mori, flavos notus *Mercator* ad Indos.
Nunc mea cessabunt cambia, vado mori.

Scriba.

Vado mori, duro lex est in marmore scripta.
Radi nulla potest littera, vado mori.

Teloniarius.

Vado mori, morti sunt mille *telonia*, debent
Omnes *vestigal* pendere, vado mori.

Chirurgus.

Vado mori, *vulnus* frustra curare laboro,
Quod fecit mortis lancea, vado mori.

Apothecarius.

Vado mori, si centum obeunt, vix astra adit unus.
Sic passim superant crimina, vado mori.

Barbitonsor.

Vado mori, *barbam* cultelli cuspide rasi.
Mors falcem sumit rustica, vado mori.

Bal-

Balneator.

Vado mori, manat gelidus de corpore sudor,
Inferni timeo balnea, vado mori.

Caupo.

Vado mori caupo, venit novus hospes in aedes.
Eheu! pellor ab hoc hospite, vado mori.

Coquus.

Vado mori coquus, à Stygia me, quæso, culina
Jupiter astripotens protege! vado mori.

Hortulanus.

Vado mori, pictos adamavi floribus hortos.
Rus lubet Elysiùm visere, vado mori.

Nauta.

Vado mori, portum Mors omnes portat ad unum,
Omnes expectat Nauta (†) vado mori.

Venator.

Vado mori, mors est venatrix optima, nunquam
Illius errârunt spicula, vado mori.

Piscator.

Vado mori, pisces hamo mendace fefelli.
Nunc mors decepit me quoque, vado mori.

Auceps.

Vado mori; casses avibus dum tendo dolosos,
Illabor Mortis retia, vado mori.

Auriga.

Vado mori, novi variarum strata viarum.
Nunc iter ignotum visito, vado mori.

C

Opera-

(†) Charon, Nauta infernalis, qui animas defunctorum
ad littus Elysiùm trajicere fingitur.

Operarius.

Vado mori, calido panem sudore lucrabar,
Nunc rigeo mortis frigore, vado mori.

Triturator.

Vado mori, matrem (b) noctúque diúque flagello.
Vindicias sumit filia, (c) vado mori.

Messor.

Vado mori, mors falce metit, mors corpora sternit,
Ut messor sternit gramina, vado mori.

Fossor.

Vado mori fossor, fossam mors fecit apertam.
Hanc (eheu!) moriens incido, vado mori.

Lignicida.

Vado mori; sicut tremit ista bipennibus ornus,
Sic ego, ceu pinus, decido; vado mori.

Opilio.

Vado mori, prædatur oves lupus improbus, & mors
Aufert Pastorem de grege, vado mori.

Caprarius.

Vado mori, querulæ lamenta ciete capellæ!
Custodem vestrum plangite! vado mori.

Bubulcus.

Vado mori, reboat bos, & tu vacca remugis,
Grex plangit, quòd ego tam citò vado mori.

Subulcus.

Vado mori, nigra mors non est Judæa propago.
Devorat illa fues cum duce, vado mori.

Ansera

(b) Ceres Dea frugum sumitur pro frugibus.

(c) Proserpina Cereris filia, uxor Plutonis, arbitra mortis.

Anserarius.

Vado mori, texit Capitolia pervigil anser.
Prisca fides ubi nunc impie! vado mori.

Vigil Nocturnus.

Vado mori, somnô cives audite sepulti,
Horam supremam buccino; vado mori.

ARTIFICES.

Mors.

Artificum lacrymæ sunt, & sinè fine querelæ,
Scilicet: *Ars longa est, vitæque nostra brevis.*

Architectus.

Vado mori, cælum *domus* est æterna *Tonantis*,
Hanc contemplari gestio, vado mori.

Pictor.

Vado mori, vivam *pinxi* morientis ideam.
Effigies ero nunc optima, vado mori.

Sculptor.

Vado mori, *sculpsi* vultus & spicula mortis.
Mors mihi vult pretium solvere, vado mori.

Statuarius.

Vado mori, solido statui de *marmore* mortem,
Quam nunc *marmoream* sentio, vado mori.

Gemmarius.

Vado mori, duri *lex* est *adamantina* Fati,
Hanc mollire nequis *ars* mea, vado mori.

Horologarius.

Vado mori, spero, quòd erit tunc *hora secunda*,
Cum Mors me solvet corpore, vado mori.

OPIFICES.

Mors.

EX operis opifex vivis manuumque labore,
Nunc nostra debes occubuisse manu.

Faber lignarius.

Vado mori, sum truncus iners & inutile lignum,
Et tantum tineis prodero, vado mori.

Faber murarius.

Vado mori, murus non est tam durus & asper,
Quem mors non valeat rumpere, vado mori.

Lapicida.

Vado mori latomus, mors est immobile saxum,
Desperans hebeti cuspide vado mori.

Faber ferrarius.

Vado mori, ferrum mollitur ab igne domanti,
Mors est molliri nescia, vado mori.

Sartor.

Vado mori Sartor, mors vitæ perbreve filum
Decidit dirâ forfice, vado mori.

Sutor.

Vado mori Sutor, nigra pix mihi semper adhæsit
A pice me servent Numina! vado mori.

Textor.

Vado mori textor, nequeo diducere telam,
Abrupto vitæ stamine vado mori.

Scriniarius.

Vado mori, tumbam fabricanti mors mihi dixit
Arcem, quam fabricas, incole! vado mori.

Vietor.

Vado mori Bacchi famulus, deprensus in aula
Diogenis, valeant vascula! vado mori.

Molitor.

Vado mori *Molitor*, *fursur*, far sæpè lucrabar.
Omne lucrum cessat, ista mola! vado mori.

Pistor.

Vado mori *Pistor*; si quis vult pinsere, pinsat!
Panem non comedam postmodò, vado mori.

Lanius.

Vado mori, *lanii vitulos*, mors aspera mactat
Nos *lanios*, mortis victima vado mori.

Figulus.

Vado mori *Figulus*, testas à stercore feci.
Mors facit è figulo stercora, vado mori.

Alutarius.

Vado mori, pelles tractavi semper olentes.
Nunc ego pellis ero sordida, vado mori.

Vitriarius.

Vado mori, leni *vitrum* breve frangitur ictu.
Vita brevis vitrum debile, vado mori.

Metallarius.

Vado mori, venas avidus reperire metalli
Scrutabor terræ viscera, vado mori.

Scandularius.

Vado mori, tecto me mors aspexit in alto;
Ex alto præceps culmine vado mori.

Caminarius.

Vado mori, Stygios nolim purgare caminos.
Crux sacrosancta fuget Dæmona, vado mori.

STATUS MILITARIS.

Mors.

Nunc telis opus est, ut belli fulmina sternam,
Nè superet vires Martia turba meas.
Nulla parte tamen nostrum despero triumphum,
Quamvis Mars pugiles adjuvet ipse suos.

CASTRÆ PRÆEUNTES.

Mors.

Designatores, qui semper castra præitis,
Castra secuturis ponite militibus.

Belli Commissarius.

Vado mori belli bellatorumque revisor,
Mors pro me revides agmina, vado mori.

Præfectus (d) Castrametatorum.

Vado mori, assignat mors *diversoria* turbis,
His cælos, aliis tartara, vado mori.

Castrametator. (e)

Vado mori; miror, quò me mors ire jubebit.
Hospitium spero nobile, vado mori.

Tutor (f) Castrametatoris.

Vado mori; velut agnus ovem tutatur ab urso,
Sic ego messorum protego, vado mori.

CASTRÆ.

Mors.

Bellonæ pugiles, totum qui vincitis orbem,
Discite, quòd mortem vincere nemo potest.

Gene-

(d) Der Regiments-Quartier-Meister. (e) Der Compagnie-Meister, oder *Fourier*. (f) Der *Fourier*-Schütz.

Generalissimus.

Vado mori Martis director, duxque supremus.
Nunc cum morte miser dimico, vado mori.

Generalis.

Vado mori, spes nulla fugæ, spes nulla triumphî.
Cogor me morti tradere, vado mori.

Chiliarchus.

Vado mori, sed corde bono; sic strenua mortem
Vincimus heroum pectora, vado mori.

Vice-Chiliarchus.

Vado mori, quandoque sibi Mars otia quærit,
Mors sua continuat prælia, vado mori.

Supremus vigilum Præfectus.

Vado mori, frustra custodit limina miles,
Mors intrat spreto milite, vado mori.

Centurio.

Vado mori, *centum* pro *centurione* phalanges
Si pugnent, tutus non ero, vado mori.

Locumtenens.

Vado mori, nequeo constare *locumque tenere?*
Cedo locum *terris*, & modò vado mori.

Signifer.

Vado mori, mors arma movet, moriemur in armis:
Vexillum mortis præfero, vado mori.

Adjutor. (g)

Vado mori, brevis est hodie data *tessera* (b) nobis,
Hæc duo nimirum verbula: vado mori.

Taxiarcha.

Vado mori, miles per me rudis arma docetur,
Nunc eadem doceo ponere, vado mori.

Decurio exemptus.

Vado mori, retuli morientium fata regenti,
Nunc alius referat, quod modò vado mori.

Scriba Castrensis.

Vado mori, mors quemque legit, mors agmina
lustrat,
Audito scribæ nomine vado mori.

Decurio.

Vado mori magno cum stipite, plaudito miles!
Non tua decurram tergora, vado mori.

Tubicen.

Vado mori tubicen, pugiles ad bella ciebam,
Nunc hos ad funus convoco, vado mori.

Tibicen.

Vado mori, tibi Dî, tibi Dî, mea tibia dicit.
Dî nequeunt mortem vincere, vado mori.

Tympanista.

Vado mori, tu-mu-lum, tu-mu-lum, mea tympana
clamant.
Mors mea turbavit tympana, vado mori.

Miles exemptus.

Vado mori, me Stentoreo vigil evocat ore,
Circitor ater adest, cedite! vado mori.

Miles Gregarius.

Vado mori, frustra confurgere nitor in altum.
Sors vel mors obstas aspera, vado mori.

Eques.

Eques.

Vado mori, portatus equò pernice volabam,
Nunc miser in merda decubo, vado mori.

Pedes.

Vado mori, pes hæret iners, non assequor agmen,
Vix genibus possum reperere, vado mori.

Volo.

Vado mori, volo sum, sed nudo nomine tantùm,
Non volo, sed verè debeo, vado mori.

Miles obligatus.

Vado mori, frustrà dimitti sæpe rogavi,
Nunc eportari debeo, vado mori.

Excubitor.

Vado mori, suñum dedit hora novissima signum,
Me statione mea solvite! vado mori.

Explorator.

Vado mori, vigiles iter exploravimus omne,
Mortis ubique latent retia, vado mori.

Præco castrensis.

Vado mori, benè si morimur, victoria nostra est,
Et victis dabitur laurea, vado mori.

Miles in acie.

Vado mori, tormenta tonant, Mars fulminat ense,
Sperandum nihil est hìc, nisi vado mori.

Vulneratus.

Vado mori, sævum ferit præcordia telum,
Lethali tactus vulnere, vado mori.

Veteranus.

Vado mori, merces veterani militis hæc est:
Cùm tandem seniò langueo, vado mori.

Conscriptor.

Vado mori , pugiles oblatô scribimus aurô ,
Mors omnes audet cogere , vado mori.

Neo-Conscriptus.

Vado mori ; perii , me Mars nequissimus emit ,
Ut morti posset vendere , vado mori.

Miles dimissus.

Vado mori , Martis jam sum deletus in Albo ,
Nunc mea do morti nomina , vado mori.

CASTRA SEQUENTES.

Mors.

Nulla fides pietâsque viris , qui castra sequuntur ,
Indigni vitâ , si Maro vera canit.

Auditor.

Vado mori , culpas prælegi sæpe reorum ,
Nunc delicta legam propria , vado mori.

Annonæ Præfectus.

Vado mori , moritura fame sint castra , licebit ;
Annonæ curam negligo , vado mori.

Curruum Præfectus.

Vado mori , nos plena trahunt ad Tartara plaustra ,
Aurigæ cursum flectite ! vado mori.

Medicus Castrensis.

Vado mori , intrepidè mors , ut medicina , bibenda est ,

Sic omnis cedit nausea , vado mori.

Chirurgus Castrensis.

Vado mori , demens alios curare laboro ,
Ipse mei curam non gero , vado mori.

Apothecarius Castrensis.

Vado mori, contra mortem valitura medela
In nulla restat *pixide*, vado mori.

Miles Invalidus.

Vado mori, castris Bellonæ dicor ineptus;
Mortis castra petam congrua, vado mori.

Transfuga.

Vado mori; spretum dum deleo transfuga Martem,
In mortis fauces involo, vado mori.

Præfectus carcerum.

Vado mori; mundus nihil est, nisi carcer, in illo
Nos onerant mortis vincula, vado mori.

Carnifex.

Vado mori, resti multorum guttura strinxi,
Nunc quoque constricto gutture vado mori.

Virgifer.

Vado mori; virgis mallemea tergora cædi,
Quàm periter mortis currere, vado mori.

Caupo Castrensis.

Vado mori, praxis mea vinum miscuit undis,
Undas in flammam fundite! vado mori.

SEXUS FOEMINEUS.

Mors.

FOemina se factam de costa jactat Adami,
Non nisi de terra cùm sit origo viri.
Falleris, ô fragilis sexus! quia terra fuisti,
Nè dubita, limus terræque rursus eris.

MONIALES.

Mors.

Ordine Vestales primo properate puellæ!
Estis foeminei gloria prima chori.

Abbatissa.

Vado mori sacrae, mea cura, valete Sorores,
Mater vestra fui provida, vado mori.

Priorissa.

Vado mori; quædam *claustrum* neglexit apertum,
Ut mors intraret pallida, vado mori.

Sub-Priorissa.

Vado mori, mecum mors Completoria psallit,
Hoc cantu vitam compleo, vado mori.

Senior.

Vado mori, fatuis non sum de quinque puellis,
Ardentem porto lampada, vado mori.

Antistes Cella.

Vado mori, mors est in cella lugubre spectrum.
Vidi, dum volui promere, vado mori.

Antistes culinae.

Vado mori; peream, si mors non regnet in olla.
Tangere te vereor cacabe! vado mori.

Magistra Novitiarum.

Vado mori, vobis hoc dogma relinquo, puellæ!
Absque metu Lethi vivite! vado mori.

Ostiaria.

Vado mori, facilis decessio, pallida Lethi
Nocte dièque patent ostia, vado mori.

Monialis.

Vado mori, clauſtro vovi concluſa manere,
Mors rupit clauſtrum, votaque, vado mori.

Novitia.

Vado mori, vitam *tyrociniū*que viciffim
Ante diem fixum termino, vado mori.

SÆCULARES.

Mors.

Fœminei flores! ſi ſitis ſidera terræ,
Extinguam veſtras mors inopina faces.

Imperatrix.

Vado mori, ſummi conjux auguſta Monarchæ,
Nec veniam à Fatis impetro, vado mori.

Regina.

Vado mori, mors eſt *via regia*, cogitur illam
Rex cum Regina tendere, vado mori.

Electrix.

Vado mori *Electrix*, ſic mundi gloria tranſit,
E lecto ad lethum rransmeo, vado mori.

Duciſſa.

Vado mori, metam mors omnes *ducit* ad unam,
Raptat nolentes impete, vado mori.

Principiſſa.

Vado mori, Jove digna fui, nunc putre cadaver
Aſpectu quemvis terreo, vado mori.

Comitiſſa.

Vado mori, duce morte nigra; ter fauſta viatrix!
Cui *comes* eſt virtus candida, vado mori.

Baroniſſa.

Vado mori, cum falce tua mors ſæva quid audes?
Cum lolio ſternis lilia, vado mori.

Matrona Nobilis.

Vado mori; ſi ſpectat avis (i) Junonia crura,
Mox pudibunda cadunt ſidera, vado mori.

Doctrinx.

Vado mori *doctrinx*, nil me *doctrina* tuetur,
Nam mors eſt major Pallade, vado mori.

Prætoriffa.

Vado mori, ô duram ſortem! mors ruſtica nescit
Quòd ſim *Prætoris* ſæmina, vado mori.

Domina.

Vado mori, mortem *dominam* cognoscimus omnes,
Illius imperio ſubdita vado mori.

Civis.

Vado mori, civis fuerim, vel ſponſa coloni;
Mors utramque vocas, utraque vado mori.

Ruſtica.

Vado mori, tua te Corydon (k) Amaryllis amavi.
Nunc, ſi vis, aliam quærito! vado mori.

Ancilla.

Vado mori, *dominam* ſocians *ancilla* ſequebar,
Me tacito ſequitur mors pede, vado mori.

Vidua.

Vado mori, ſpes vana novum ſpondebat amantem,
Mors vetuit ruſſum nubere, vado mori.

Uxor.

Vado mori, ſponſo ſupremum dico Valetò,
Me nolens à te ſeparo, vado mori. *Spon-*

(i) *Pavo.* (k) *Nomina ruſtici & ruſtica ex Virgilio.*

Sponsa.

Vado mori, *thalamum* dum sternebatis *Amores*,
Cæpit mors *tumulum* sternere, vado mori.

Puella formosa.

Vado mori, spes vestra, proci, frustrata fefellit,
Me mors abducit squallida, vado mori.

Puella deformis.

Vado mori; quia pulchra negor, fugit omnis amator
Mors me sola cupit ducere, vado mori.

Cantatrix.

Vado mori; philomela fui, nunc instar alaudæ
Conscendam modulans æthera, vado mori.

Saltatrix.

Vado mori, saltus semper mea vita fuerunt,
Hic nunc saltus erit mors mea, vado mori.

Netrix.

Vado mori *netrix*; nunc sic ego vulnero linum,
Ut mea mors pungit viscera, vado mori.

Lotrix.

Vado mori; quis nunc indusia vestra lavabit,
Si *lotrix* celeri funere vado mori?

Potrix.

Vado mori *potrix*; hoc vos rogo numina supplex,
Ut poter vestro *nectare*, vado mori.

Aitercatrix.

Vado mori, *Socratis Xantippe*, plaude marite!
Pax tibi nunc dabitur, *pix mihi*, vado mori.

Nutrix.

Vado mori, *nec virgo* fui, *nec mater* habebam.
Quid fuerim, nolo prodere, vado mori.

Mere-

Meretrix.

Vado mori *meretrix*, Venus Orci ducit ad umbras,
Hæc scorti *merces* ultima, vado mori.

Pelleæ.

Vado mori, non nupta viro, sed adultera *pellex*.
Uxor ova, *pulsa pellice*! vado mori.

Saga.

Vado mori, Stygiis ululat bubonibus æther,
In nigra regna vocor noctua, vado mori.

Furia.

Vado mori, Furiaë tres esse feruntur in Orco,
Efficiam quartam mortua, vado mori.

QUOD LIBET.

Mors.

HActenus ad metam processimus ordine nullo;
Sed nunc quod superest, ordine mortis eat.

Politicus.

Vado mori, *Simula*, fuerat mea regula vitæ,
Mors simulare nequit seria, vado mori.

Criticus.

Vado mori, mors & Criticus sunt, credo, Sodales;
Ambo solent quemvis carpere, vado mori.

Scientificus.

Vado mori; studium, quod non de Numine sentit,
Experior vanum, dum modò vado mori.

Idiota.

Vado mori, Deus ipse viro cum simplice vadit;
Hoc me solatur, dum modò vado mori.

Dominus.

Vado mori, fuerat me servus ubique secutus.
Solutus iter longum nunc eo, vado mori.

Servus.

Vado mori, nequeo dominis servire duobus;
Cum duo sint, unum desero, vado mori.

Dives.

Vado mori, mea jam dormivi somnia dives,
Et nihil in manibus palpito, vado mori.

Pauper.

Vado mori, dempto vix quidquam munere vitæ
Possideo; rapit hanc mors quoque, vado mori.

Epulo.

Vado mori, Bacchus lenta pinguedine lassus,
Vermibus ampla dabo prandia, vado mori.

Iromastix. (1)

Vado mori, nostros *Satrapa* dominamur in Iros;
Sed mors est noster *Satrapa*, vado mori.

Helluo.

Vado mori, quidquid tellus alit, æquor, & aër,
Omnia, mors inquit, devoro; vado mori.

Mendicus.

Vado mori, monstrum mors est immite ferumque,
Oro *stipem*, pellor *stipite*, vado mori.

Prodigus.

Vado mori, mea cura fuit, nè litiget hæres,
Hoc à me dives discito! vado mori.

D

Ava-

(1) *Monsieur Bettel, Vogt.*

Avarus.

Vado mori, vitam vel opes mors exigit, illam
Malo, quàm nummos perdere, vado mori.

Creditor.

Vado mori, multis credebam multa per annos,
Mors non vult horam credere, vado mori.

Debitor.

Vado mori, multum teneor, mors omnia solvit.
Creditor hanc nummis exige! vado mori.

Tyrannus.

Vado mori, cicures fiunt in morte *tyranni*,
Cor & mens trepidant anxia, vado mori.

Mancipium.

Vado mori, *servum* me mors dimittit ovantem
Invitò dominò; júbilo, vado mori.

Amator.

Vado mori, valeas, mea lux, mea vita! videbo
Non ego te posthac, cur? quia vado mori.

Scortator.

Vado mori, discede Venus maledictaque pellex!
Per te morte cado duplice, vado mori.

Lusor.

Vado mori *lusor*, pro vitæ munere lusi,
Jaçta est infelix alea, vado mori.

Potor.

Vado mori, vinò noctúque diúque madebam,
Nunc Lethæa (m) bibam flumina, vado mori.

Enr.

(m) *Lethe fluvius infernalis.*

Fur.

Vado mori, funem fugit fur unus & alter,
Morte tamen periit vindice, vado mori.

Prædo.

Vado mori, pagos mors depradatur & urbes,
Nec via tuta manet publica, vado mori.

Latro.

Vado mori, trepidat coram latrone viator,
Coram morte *latro* contremo, vado mori.

Carnifex.

Vado mori, Mortis stat *carnificina* cuivis
Expectanda semel, pœnâque, vado mori.

Lictor.

Vado mori, fures ego latronésque ligavi,
Nunc à Morte *ligor*, ceu *latro*, vado mori.

Reus ad supplicium eductus.

Vado mori, densæ concurrunt undique turmæ,
Spectatum veniunt, quomodo vado mori.

BONI ET MALI.

Mors.

STerno bonos, & sterno malos, sed dispare Letho;
Nam sum vita bonis, exitiûmque malis.

Justus.

Vado mori justus, cœli tensurus ad axes,
Mors iusti vitæ janua, vado mori.

Impius.

Vado mori, Stygias peccator iturus ad umbras.
Mors peccatorum pessima, vado mori.

Pœnitens.

Vado mori, flentem me crimina respice Numen!
Nec cor contritum despice, vado mori.

Desperabundus.

Vado mori, vivum raperent me Tartara, vellem.
Non datur à cælo gratia, vado mori.

MOBILES.

Mors.

VOs, quos Mercurius nunquam finit esse quietos,
Nec dabitur vobis, me veniente, quies.

Præfectus (n) Veredorum.

Vado mori, rapidis properat mors vecta veredis, (o)
Me cita diripiunt effeda, (p) vado mori.

Veredarius. (q)

Vado mori, lætos clanxisti sæpè triumphos;
Nunc, ô corniculum, concine: vado mori.

Tabellarius.

Vado mori, nigræ si quis vult scribere morti,
Huc ad me tabulas mittito, vado mori.

Cursor.

Vado mori *cursor*, non est mora libera nobis,
Mors urgens est à tergo, vado mori.

Viator.

Vado mori, modò collegi mea vasa *viator*,
Hæc via restat adhuc ultima, vado mori.

Pere.

(n) Postmeister. (o) Veredus. Postpferd. (p) Effedum
Post & Wagen. (q) Postillion.

Peregrinator.

Vado mori, terram tandem contingo petitam,
Salve cœlestis patria! vado mori.

Vagator.

Vado mori, nequeo stabili consistere terra,
Sole novo semper gaudeo, vado mori.

Irrequietus.

Vado mori, poteram vivens *ens mobile* dici:
Mobile fit fixum, cùm modò vado mori.

Garrulus.

Vado mori, nunquam volui potuſque filere,
Os tandem nolens opprimo, vado mori.

Exul.

Vado mori, patriâ pepulit me Principis ira,
Mors fugat ex omni climate, vado mori.

Histrion.

Vado mori, scena me mors deprêndit in ipsa,
Spectator valeas, *Histrion* vado mori.

Comœdus.

Vado mori, tragicum cepit comœdia finem,
Mors funestavit gaudia, vado mori.

Ardelio. (r)

Vado mori, novitatis amans, nova multa videbo,
Quorum mors monstrat plurima, vado mori.

Musicus Rusticorum.

Vado mori, modulator, cum Nisa (s) Mopsule salta,
Hospa: tolle pedem Nisula! vado mori.

(r) Ein fürwitziger Mensch.

(s) Nomina rustici & rusticae ex Virgilio.

AGMEN INVALIDUM.

Mors.

VOs ô languentes! ad me curanda venite
Agmina, sum vestris mors medicina malis.

Superbus.

Vado mori, quòd sim, credebam, *nescio quantus!*
Cerno, quod pulvis sim modò, vado mori.

Stultus.

Vado mori, crebro sinè causa *morio* risi,
Sed nunc cum causa lugeo, vado mori.

Cæcus.

Vado mori *cæcus*, sed cæco lumine mortis
Cerno viam, & recto tramite vado mori.

Surdus.

Vado mori *surdus*, surda tamen aure vocantis
Lethi clamores audio, vado mori.

Mutus.

Vado mori *mutus*, me nîl dicente loquuntur
Obvia quòque die funera, vado mori.

Claudus.

Vado mori *claudus*, non est properare necesse,
Ad metam veniam sat citò, vado mori.

Podagricus.

Vado mori, frustrà, *Noli me tangere*, clamo:
Mors mea contrectat viscera, vado mori.

ÆTATES.

Mors.

Turpè senex miles, (t) nec quadrat ad arma puellus,
Ad mea castra senex, vir, juvenisque quadrant.

Senex.

Vado mori vitæ fatur annorumque, sepulchrum
Inquiro curvo tergore, vado mori.

Vetula.

Vado mori; cecidèrè rosæ, frondésque, comæque,
Rugis & spinis livida vado mori.

Vir.

Vado mori, *vir* eram, & *vires* robustus habebam,
Nunc cecidit *virtus* mascula, vado mori.

Fœmina.

Vado mori, *de carne viri* sum sumpta *virago*,
Cum mare terra tamen nunc ero, vado mori.

Juvenis.

Vado mori; verax est Echo. Quæro, *juventus*,
Quid sit; *ventus*, ait garrula, vado mori.

Virgo nubilis.

Vado mori *virgo*, tua tela repone Cupido!
Succumbo morti, non tibi, vado mori.

Puer.

Vado mori, *pueros fera pessima devorat omnes*.
Credo, quòd mors est hæc fera, vado mori.

Puella.

Vado mori primò marcescens flosculus ævò:
Vix nascens orior, cùm modò vado mori.

(t) Ovidius.

RELIGIONES.

Mors.

PLures, non omnes, agnoscunt Numen in astris
Sed mors à nulla Religione negor.

Christianus.

Vado mori, Christum colui: qui credit in illum,
Vivet in æternum, sic ego vado mori.

Judæus.

Vado mori, Christum Messiam pernego verum:
Si tamen is fuerit, væ mihi! vado mori.

Mahometanus.

Vado mori, summum Mahometum credo pro-
phetam:
Sed si non fuerit, væ mihi! vado mori.

Etbnicus.

Vado mori cultor centum vel mille Deorum:
Cujus opem poscam nunc, ubi vado mori?

Atheus.

Vado mori; cœlos, erebúmque, Deúmque negavi.
An dentur, dubito nunc, ubi vado mori.

Indifferentista.

Vado mori, quodcunque lubet mihi credere, credo:
Sed modò non vado, quò volo, vado mori.

Homo Bestialis.

Vado mori, veluti sine Numine bestia vixi,
Nunc etiam veluti bestia vado mori.

APPENDIX.

Mors.

Appendice sua quævis Processio gaudet.
Quod superest ergo, sfirmatis esto locò.

Spurius Legitimus.

Vado mori *Spurius* certo sine patre creatus:
Mors me *legimat*, dum modò vado mori.

Clepsydrarius.

Vado mori, domui nunc est disponere tempus,
Effluxit vitæ *clepsydra*, vado mori.

Muscipularius.

Vado mori; mures ego, mors me callida cepit,
Captus sum tecum *muscule*, vado mori.

Statista.

Vado mori, sic norma *statûs ratiòque* requirit,
Méque lubens statui commodo, vado mori.

Modista.

Vado mori, me mille modis aptare sciebam.
Quem mors induxit, non amo, vado mori.

Agaso.

Vado mori; lentis est sarcina faccus asellis,
Mors es *agasonum* sarcina, vado mori.

Magister linguarum.

Vado mori *doctòr linguarum*; nulla ferocem
Lingua potest mortem flectere, vado mori.

Gladiator.

Vado mori, me mors in arenam provocat. Eheu!
Comparere miser debeo, vado mori.

Saltator.

Vado mori, varias didici, docuique choreas,
Nunc cum morte novam saltito, vado mori.

Natator.

Vado mori, nabam securus in amne secundo,
Contra torrentem dum nato, vado mori.

Ludimagister.

Vado mori, pueros *A. B.* docuique puellas,
Mors me *Ce De* docet, cum modò vado mori.

Ædituus.

Vado mori, lucrum fecit mihi mors aliorum,
ipse lucrum mortis sum modò, vado mori.

Vespillo.

Vado mori mortis servus *Vespillo* fidelis.
Hæc sunt servitii præmia, vado mori.

EXHORTATIO AD MEMORIAM MORTIS.

*V*ado mori, rogo, ne sit tibi nausea, Lector!
Nescis sæpè satis dicere, *vado mori.*

Vado mori, binas has in breviaria vestra
Presbyteri voces scribite, *vado mori.*

Vado mori, quicumque tuum latus instruis armis,
Illas in chalybem sculпто: *vado mori.*

Vado mori, calamum scriptor dum scindis & aptas,
Tenta, num possis scribere, *vado mori.*

Vado mori, compti juvenes, comptæque puellæ
In speculis vestris pingite: *vado mori.*

Vado

Vado mori, referat voces has janua quævis:
Egrediens, intrans, perlege: *vado mori*.

Vado mori, si quis, quò vadas, scire requirat,
Respondens illi dicit: *vado mori*.

Vado mori, dicat, quicumque perambulat orbem.
Mortis ubique patet semita, *vado mori*.

Vado mori, dic quisque, mari qui credis aquoso.
Vela volant, spumant æquora, *vado mori*.

Vado mori, repetas, quisquis vitalibus auris
Vesceris, intereunt omnia, *vado mori*.

Vado mori, centum quid vivere proderit annis?
Annis si centum vixero, *vado mori*.

Vado mori, vani quid prodest gloria mundi?
Quid profunt mundi gaudia? *vado mori*.

Vado mori, quid opes, & quid prodestis honores?
Nil potero mecum sumere, *vado mori*.

Vado mori, dicas, cum stratis manè resurgis:
Dic, cum strata petis vespere, *vado mori*.

Vado mori, dic sospes, in hac nunc luce laboro:
Fortassis funus cras ero, *vado mori*.

Vado mori, plangas, cum lecto sterneris æger.
Mors sua præmittit nuntia, *vado mori*.

Vado mori, miserere mei DEUS ætheris alti,
Peccavi, veniam da mihi, *vado mori*.

Vado mori, tu memorientem suscipe JESU!
In tua me trado vulnera, *vado mori*.

Vado mori, tibi vivo, tibi spes unica, fido
Christe! tibi vixi, nunc tibi *vado mori*.

DIALOGUS FINALIS.

MORTEM INTER ET POETAM.

Poëta.

DE regno, mors dura, tuo jam carmina feci.
Dic modò, versiculi quid meruère mei?

Mors.

Hoc tibi munus erit: Critici tua Carmina carpent,
Pròque labore tuo victima mortis eris.

Poëta.

Censurent Critici, carpant mea carmina Momi,
Nìl equidem curo, tu modò parce mihi!

Mors.

Quomodo, vis, parcam? mendax in versibus esses.
Parcere me nulli nõnne Poëta doces?

Poëta.

Magni mendaces debent audire Poëtæ,
Sique mihi parces, maximus esse volo.

Mors.

Mentiri vobis concessit Apollo Poëtis,
Sed modò nìl falsum te cecinisse scias.

Poëta.

O vitæ reatrix! totum revocabo poëma,
Si mea servatrix esse benigna velis.

Mors.

Vanas mitte preces, & te disponito morti:
Arcum solvo, vibro spicula, vade mori.

Poëta.

Hunc vos, ô Musæ, vestrum tumulate Poëtam.
Et signate brevi saxa thorúmque metro.

EPI TAPHIUM AUTHORIS.

Hic *Lapicida* jacet, quem Mors homicida
necavit:

Sic nunc ille lapis, Mors lapicida fuit.

COLLOQUIUM MORTIS ET ZOILI.

Mors.

ZOile, dic, quid habes, quòd & huc illúcque
revolvís?

Ad quid cervicem concutis, atque caput?

Zoilus.

Hic ego versiculos neonati lustro Poëtæ,
In quibus invenio nîl nisi *vado mori.*

Mors.

Hæc est materies, me judice, versibus apta.
Vita quid est hominis? nîl nisi *vado mori.*

Zoilus.

Ridetur, chordâ qui semper oberrat eâdem:

Semper idem metrum censeo ridiculum.

Mors.

Carmina nè dicas eadem; cùm singula sensum,
Singula conceptum continuère novum.

Zoilus.

Prolixus nimis est, ad quid tot carmina profunt?

Qui brevis & bonus est, ille Poëta placet.

Mors.

Mors.

Zoile deliras ! versu conclusit in uno
Unumquemque statum , sat fuit ergo brevis.

Zoilus.

*Leſtio leſta placet , decies repetita placebit ,
Plus quàm millenæ displicuère vices.*

Mors.

Displicuère tibi , non displicuère perito
Lectori , quamvis Myrias (u) una foret.

Zoilus.

Ad quid metra coquo , qui non intelligit illa ,
Vel tibi sartori , vel tibi cerdo (x) facit ?

Mors.

De bove Virgilius , de rana lusit Homerus ;
Nec , quid sit versus , rana scit , & neque bos.

Zoilus.

Ex tot versiculis laudabitur unus & alter.
Exiguam laudem plurima metra ferent.

Mors.

Cùm tot sint homines , est copia parva bonorum
Zoile ! deque tuis vix valet una comis.

Zoilus.

Ergo fecisset melius , fatiusque fuisset ,
Carmina si non tot , sed bona pauca forent.

Mors.

Debet adhuc nasci post sæcula mille Poëta ,
Cujus non critices carmina , Mome dicax !

Zoi-

(u) Eine Zahl von zehen tausenden.

(x) Schubflicker.

Zoilus.

Vis & acumen inest variis, plausúmque merentur:
Si tamen inspicias, frigida multa leges.

Mors.

Frigida materies mors est, gaudéntque Poëtæ
Carmine materiæ conveniente suæ.

Zoilus.

Præterea furti reus est; nam carmina legi,
Quorum par finis principiúmque fuit.

Mors.

Mentiris nebulo! titulus fuit editus idem;
Distichon, aut idem nullibi versus erit.

Zoilus.

Si níl furripuit, vel ob illud carpo Poëtam,
Quòd tot versiculi non meminère mei.

Mors.

Arguis id rectè, sed & hoc ignosce Poëtæ,
Me quoniam memorem supplicat esse tui.

Zoilus.

Non ideò de vate queror, nec carmina culpo,
Ut mors obliti munera vatis agas.

Mors.

Audivi vatum de te scelerate querelas,
Nunc igitur pœnas suppliciúmque dabis.

Zoilus.

Credendum nihil est mendacibus usque Poëtis.
Vatum, siqua fuit, falsa querela fuit.

Mors.

Ipsè Poëtarum de te queritatur Apollo,
Utque semel tollam te, scelus, usque rogat.

Zoilus.

Zoilus.

Languerent artes, si non ego Zoilus essem.
Utile me quidam dixerat esse malum.

Mors.

Impia lingua file! quin mergere Ditis in umbras
Vatibus invisum cœlitibusque caput!

Zoilus.

Ergo miser moriar, sed vos, ô quæso, Poëtæ,
Versiculô tumulum condecorate meum!

EPITAPHIUM ZOILI.

Zoilus huc cecidit, qui vatum carmina
rodit.

Nunc à vermiculis roditur iste
canis.

*Præcedentis Epitaphii correctio,
Addita à F. P. L.*

*Zoilus haud cecidit, quamvis cecidisse videri
Ille potest; Vatum carmina rodit adhuc.
Mortuus esto tamen; cineres à morte supersunt,
Ex illis Phoenix Zoilus usque rodit.*

F I N I S.

